

禱之費 九日己卯詔曰酌訓皇源陶風帝籙未有不施厚恩以崇盛德降殊貸以慰元功者朕外祖父太政大臣藤原朝臣功蓋三代位極上台仁襟被九州而有餘德水露千里而無盡自朕在襁褓以至今時言其顧復保佐之勤豈以周且漢光爲伍朕念不賞之功將加非常之寵知其至謙之性不敢開口而言聊且欲糜爵加封以酬萬一而損挹彌深遜讓尤切感夫乃情不忍相忤朕之庶幾賴彼撝謙之誠增其延壽之福長生久視輔導朕身令若倚南山坐平原也是以屈己從人不奪其志恐天下以朕爲不知恩也而今寢瘵私第日月彌留珪幣相尋祈禱未効朕自鍾此患寢食無安心墮思焦言與淚俱深患救復之方誠無所不到矣聞諸內經度人歸道之功能救人之厄命又先王德政議獄緩刑矜老養孤若施斯仁貸副朕篤情縱雖病在膏肓幸使箴藥得其宜賜度者八十人又大赦天下今日味爽已前所犯大辟已下罪无輕重已結正未結正已發覺未發覺皆赦除唯犯八虐故殺謀殺私鑄錢及強竊二盜常赦所不免者不在赦限又天下道俗高年者鰥寡孤獨篤癰之類量加賑恤普告遐邇俾知此意

〔晉家文草八詔勅〕答太政大臣○字多后温子謝爲病賜度者免罪人勅○字多

勅太政大臣雅言悉之皇天不知公病無損朕前行志冥助惟求欲令出獄門者開法網以爲公處療之方入禪道者轉戒珠以爲公加持之力功重報輕朕之過也謝章忽至增愧深焉又國家庶務關白於公朕自樂成業在恭己而今具叙其意固辭此職非唯退閑之謀期以消伏之術既云避害朕豈忤之雖暗前途暫順來請不有日月乎不有山川乎所患少間視事如故勿使朕當淵冰奔馳之危以無舟楫御轡之備而已嗟虛朕之砭石朕之股肱豈圖令股肱不安和爲砭石所治攝捨心而歎刻骨以傷公強加食莫忘社稷

寬平二年十一月十九日奉勅製之

〔日本紀略二朱龜〕天慶七年十月廿四日癸亥依關白太政大臣○藤原忠平重病賜度者五十人

〔九曆〕天曆三年正月廿一日頭有相來仰云御病重由助憂不少爲息災給度者五十人者復命云依臣